



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlvm I. eod. Tit. in 6. Romana.

---

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

cus cognitionem, ac pœnitentia impositiōnem, &c.

Excipe: Nisi ex commissione, seu priuilegi concessione appareat, eam specialiter faciat esse Praelato, et quod propter officij auctoritatem & discretionem ad hoc munus absolusionis magis idoneus reputatus sit, ut in casu c. 2. & c. 21m illorum, de sent. excom. vbi absolutio Monachi à censura canonicis Abbatii, propter discretionem & prouidentiam (qua in tali persona inesse præsumitur) specialiter committitur.

Veruntamen id generatiū dici potest, quod quicunque delegatus, aut etiam subdelegatus, tametū iurisdictionem alteri committere nequeat, tamē nudum ministerium absoluendi sine causā cognitione committere possit, sicut ex Nauar. c. 27. man. n. 45. anno-tau in c. super questionum, 27. § porro, limit. 4. Dummodò iurisdictione aliqua praeditus sit, & non nudum ministerium ipsi commissum ad absoluendum, dispensandum, &c. Id enim plerumque personaliter & exequi, & non alteri delegare debet, vti constat ex c. vlt. §. ceterū, de officiis delegatis, & nota Gl. fin. hīc, Innoc. & Ioan. Andr. n. 3. Imola n. 2.

## CAPITVLUM I.

cod. Tit. in 6.

### Romana.

#### PARAPHRASIS.

Archiepiscopo concessum non est in Coepiscoporum diocesisbus cōstituere Vicarios, Officiales foraneos, ad quos causae appellationum deferri debeant. Quia cū ipse met Archiepiscopo secundū Canones (extra casus speciales in iure concessos) non liceat dioceses Suffraganeorum ingredi, & in ijs iudicare, aut quælibet ordinare, sequitur, quod neque alium loco suo constituere possit. Verum quidem est, quod Archiepiscopus causam ad se via appellationis deuolutam, alicui in diocesi sui Suffraganci delegare possit, quia ex

eo tempore iurisdictionem acquisiuit in appellantem, & appellatum, quæ proinde delegabilis est. Sed antequam ad eum appellatum sit, nullam iurisdictionem habet in subditos Suffraganeorū: ergo non potest aliquos cōstituere, qui in futuris appellationum causis citationes partiū faciant, aut inhibitiones erga Iudicem à quo, ne in causa procedat. Ceterū si legitimè prescripta cōsuetudo vigeat, vt Archiepiscopus in diocesisbus Coepiscoporum Vicarios habeat, ea subsistere potest; ita tamen, vt inhibitiones, ne in causis procedatur, non faciant, priusquam ad Curiam Archiepiscopalem appellatum sit.

#### S V M M A R I V M.

1. Archiepiscopus in diocesisbus Suffraganeorum iurisdictionem nullam exercet, unde non potest in ijs Officiales seu indices constituerre super causis in futurum emergentibus, nisi immemoriali & bona consuetudine id prescriptum esset.
2. Delegatus ab Archiepiscopo censuram in Coepiscopum ferre potest.
3. Officialis cuius nec validè nec licet id potest, nisi specialiter ei, vel Vicario causam aliquam Archiepiscopus deleget.

**N**O TANDVM I. Archiepiscopus in diocesisbus Suffraganeorum iurisdictionem nullam exercet: cū non sit Iudex ordinarius diocesanorum, nisi in habitu, seu respetu quorundam emergentium eventuum, v.g. si ad ipsum appelletur, vti dixi in c. pastoralis, i. i. extra, hoc tit. Consequenter non potest Archiepiscopus in diocesisbus Coepiscoporum Officiales, aut Iudices creare super causis in futurum emergentibus: quia hæc institutio Officialium ad eos propriè pertinet, qui actualem in loco iurisdictionem obtinent, & exercent.

Idque aduertere deberent locorum defensores, præsides, & patroni, quibus iurisdictione nulla competit, nisi in certis casibus, quod loco sui constituere non possint Officiales, seu Vicedominos, quippe per quos perturbatio-

Xxx 3 129

nes & grauamina maiora inferri solent, iuxta Aurther. de defensor. ciuitatum, §. nulla existente licentia, col. 3. & ex doctrina Hostenis notathic Dominic. col. 1.

Permittitur tamen consuetudo, si immemorialis & bona præscripta sit, ut tales Officiales in diœcesis Coëpiscoporum constituantur; ita tamen ut se diœcesanorum causis non immisceant, priusquam ad Archiepiscopum appellatum sit: nam alioquin iurisdictiones diœcесium confunderentur, quod sacris Canonibus, & Ecclesiastice hierarchiae institutioni aduersatur.

### §. Officiales.

#### PARAPHRASIS.

Generalis Vicarius seu Officialis Archiepiscopi, dum ipsem Archiepiscopum in prouincia est, aut non longè distans, in neminem Suffraganeorum seu Coëpiscoporum, interdicti, suspensionis, aut excommunicationis sententiam proferre potest; idque propter reuerentiam officij ac dignitatis Episcopalis.

**V**ÆRITVR primò: An idem sentient dum sit de delegatis ab Archiepiscopo, quod censuram in Coëpiscopum ferre non possint? Ita affirmat Gl. fin h̄c, Petr. Ancharen. in fine c. & alij. Sed contrarium magis placet; Quia de delegatis id caustum non est: ergo statim regula communi, quod delegatus in causa sibi commissa erga subditum delegantis (qualis est Episcopus comparatione Metropolitanus sui) maiorem illo potestatem habeat, atque si necessitas postulare videatur, etiam percensuram eum compellere possit, arg. c. sanè, 11. de offic. delegati. Accedit, quod diversa sit ratio in delegatis & Officialibus: Nam hi idem habent consistorium cum Archiepiscopo, at verò ab illis, si seuerius procedant, appellari potest ad Archiepiscopum, vt Ioan. Andr. annotauit in fine huius c.

**Q**YÆRITVR secundò: Vtrum sententia seu censura valida sit, licet iniusta, si in Episcopum feratur à Vicario seu Officiali Ar-

chiepiscopi. Esse validam, affirmat Gl. hic ver. non attētent, quam sequitur Ioan. Andr. n. 4. Petr. Ancharen. ver. Quæro, si contra prohibitionem. Sed contrarium rectius, vt arbitror, docent Archidiaconus, & Ioan. Monachus h̄c n. 11. Moueor hac ratione: Quia Officiales Episcoporum & Archiepiscoporum nihil validè præstare possunt, nisi quod ipsis communi iure, vel speciali voluntate constituentis concessum est, vt ex communi dixi in c. 2. de offic. Vicarij, in 6. Cūm itaque ius commune Officiali neget potestatem ferendi censuras in Coëpiscopos; conuenienter neque Archiepiscopus talen potestatem vicariatu eius contra Canonum statuta annectere possit, sequitur, quod Officialis in Coëpiscopum nec licet, nec validè censuras ferre queat.

Cæterum, si Archiepiscopus causam aliquam specialiter deleget V. cario, tum valde probabile est, valitaram sententiam censuram, quamvis tali potestate vt non debeat, nisi necessitas postulet; idque propter reuerentiam Episcopalis officij, arg. huus textus.

**Q**YÆRITVR tertio: Quæ h̄c dicuntur de Coëpiscopo, vtrum etiam locum habent in electo & in confirmato, licet nondum consecrato.

Affirmandum est cum Ioan. Monacho h̄c n. 13. Petr. Anchayano q. penult. contra Dominicum, ver. Quæro, quia prohibentur. Nam Episcopus confirmatus gerit officium Pontificale, quoad iurisdictionalia, c. transmissam, 15. de elect. atque in culmine honoris constitutus est, vt reuerentia præ alijs ipsi debeat, arg. c. 2. de transl. Episcopi, & c. accedentibus, 12. de excess. Praelatorum.

### CAPITVLUM II.

#### Si Canonici.

#### PARAPHRASIS.

Si Canonici cessationem à diuinis ponere velint in Ecclesiis, in quibus id ipsis ob consuetudinem, vel alias (videlicet per concessionem, seu priuilegium) concilium est,